

Ayidde cambalaalla!

Hawalle sidaamu haaru diri sooro ayyanira, Fichée-Cambaalaallate keerunni iillishinonke!

Sidaamunnihu haaru diri ayyaani, Sidaamu dagaha calla ikkatenni sae Itophiyunnihanna kalqete dona ikkitunkunni dirra kiirantino!

Fiche-Cambaalaallate ayyaani Sidaamu annuwi xiinxallote guma ikkase akleenni; muxxe baadilicho egenooti. Kini Ayyaani, Sidaamunniha calla ikkikkinni; Itophiyu kalqete maareekkisiisino sase bisafi'riweelo donna maereero mittonna layinki deerrinni maareekkammoho. Konni daafira, tenne dagate malaate ikkitino woga eltinonke annuwikkeranna amuwinkera jawu ayirrinnyinna galatu hasiisannonsa.

Fiche-Cambaalaallate ayyaani baxillu, keerunna araaru, hattono diru soorro ayyaanaati. Ikkino daafira, konni ayyaani mixonna amanyoote agadhine; buximanna hoonge badhera qulle agurre hattono jironna jireenya albisi'neemmoha ikkannonke gede halcheemmo!

Xaphoomunni, Sidaamu; hattono baalunku Itophiyu daga; Hawalle Sidaamu haaru diri sooro, Fichée-Cambaalaallate Ayaanira keerunni iillishino'e, iillishinonke. Haaru diri keerunniha, altenna atoomunniha ikko'ne, ikkonke!